

Պ-870– 13.04.2010-ՊԻ-010/0

ՆԱԽԱԳԻՐ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

ՕՐԵՆՔԸ

**«ԱԶԳԱՅԻՆ ԺՈՂՈՎԻ ԿԱՆՈՆԱԿԱՐԳ» ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՕՐԵՆՔՈՒՄ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ**

Հոդված 1. «Ազգային Ժողովի կանոնակարգ» Հայաստանի Հանրապետության (2002 թվականի փետրվարի 20-ի, ՀՕ-308) օրենքի (այսուհետ՝ օրենք) 5-րդ հոդվածը լրացնել հետևյալ բովանդակությամբ նոր 1.1 մասով «1.1 Պատգամավորի գրավոր դիմումի հիման վրա Աշխատակազմը նրան է տրամադրում տվյալ գումարման ԱԺ նիստերում պատգամավորի ունեցած ելույթների և հայտարարությունների տեսագրությունը՝ (սկավառակի վրա): Դիմումը ներկայացվում է ԱԺ նախագահին, որտեղ նշվում են համապատասխան ելույթների և հայտարարությունների տարեթիվը, ամիսը, օրը, ժամը և հակիրճ բովանդակությունը: Պատգամավորի դիմումը ստանալուց հետո Ազգային Ժողովի նախագահը եռօրյա ժամկետում Աշխատակազմին հանձնարարում է իրականացնել համապատասխան տեսագրությունը: Պատգամավորը կարող է մասնակցել իր ունեցած ելույթի կամ հայտարարության տեսագրությանը: Եթե պատգամավորի դիմումը վերաբերվում է չորսօրյա նիստերում ունեցած ելույթներին և հայտարարություններին, ապա տեսագրությունը նրան է տրամադրվում դիմումը ներկայացնելուց հետո մեկամսյա, իսկ այլ դեպքերում՝ եռամսյա ժամկետում»:

Հոդված 2. Օրենքի 112-րդ հոդվածի 3-րդ մասի բ կետի «իրականացնում է» բառերից հետո լրացնել «Ազգային Ժողովի նիստերի և» բառերով:

Հոդված 3. Սույն օրենքն ուժի մեջ է մտնում դրա պաշտոնական հրապարակման օրվան հաջորդող տասներորդ օրը:

ՀԻՄՆԱՎՈՐՈՒՄ

«ԱԶԳԱՅԻՆ ԺՈՂՈՎԻ ԿԱՆՈՆԱԿԱՐԳ» ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՕՐԵՆՔՈՒՄ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ» ՕՐԻՆԱԳԾԻ

Օրինագծի ընդունումը պայմանավորված է պատգամավորի գործունեության
հրապարակայնությունն ապահովելու անհրաժեշտությամբ: